

291	Vrou minne, wie tuot ir sô, daz ir den trûrigen machet vrô mit kurze werender vröude? ir tuot in schiere töude.	↓*T sch. [*]: töde V
5	wie stêt iu daz, vrou minne, daz ir manliche sinne unt herzehaften hôhen muot alsus entschumpfieren tuot? daz smæhe unt daz werde	
10	unt swaz ûf der erde gein iu decheines strîtes pfligt, dem habt ir schiere an gesigt. wir müezen iuch bî kreften lân mit rehter wârheit sunder wân.	
15	Vrou minne, ir habt ein êre unt wê nec decheine mêre. vrou liebe iu gît geselleschaft, anders wære vil dîrkel iwer kraft. vrou minne, ir pflêgt untriwen	vil ([*]: vil V) om. *T I
20	mit alten siten niwen. ir zucket manegem wîbe ir prîs unt râtet in sippiu âmîs unt daz manec hêrre an sînem man von iwerer kraft hât missetân	unt r. ir s. â. *G (nur GI) · unde r. in an s. ([*]: in sippe V) â. *T
25	unt der vriunt an sîme gesellen – iwer site kan sich hellen – unt der man an sîme hêrren. vrou minne, iu solte werren, daz ir den lîp der gir verwent,	an sînen g. *T (nur T)
30	dar umbe sich diu sêle sent.	dâ von sich *G *T

*D: D *m: m *G: G I O L Z *T: T (291.29–30 am Rand nachgetragen) U (mit 291.28¹, ohne 291.29–30) V

1 Initiale D m L T U V 5 Initiale Z 7 Initiale O 15 Majuskel D T 17 Initiale I 19 Majuskel T

3 mit kurz werenden (kvrzwerden T kurze werden U [*]: kvrzewerender V) vröuden ([*]: fröde V)? *T 19 pflêgt] pfligt D 20 siten] siten und *m